

MAI  
L.  
L.



H. XIII. 9

Liber  
Novo-Vacim-

C/37/II

Henrici Nicolai.

1. Gymnasium Logicum repetitum
2. Exercitatio de Cognitione humana uniuersa.
3. Tr. de Esse alicubi seu Ubicite.
4. Pro methodo Trinitatis alijsq; materijs Apologia.
5. Quadrigatus expensy seu Consideratio quadriga questionum  
de Syncretismo nonnominis Willebergis emissis.
6. Exercitatio de Prudentia Theologica.
7. Exerc. de Obedientia tam Civilis quam Spirituales.

D. O. M. A.  
Gymnasij Logici repetiti  
DIATRIBE VII.  
DE

*Adl 8*

PROPOSITIONIS DEFINITIONIS  
ONE ET PARTIBVS

Disputationis loco  
Ad Sententiarum collationem in Gymna-  
sio Dantiscano proposita

PRÆSIDE

HENRICO NICOLAI  
Philosophiæ Professore  
Publico.

*Respondentis partes obtinente*


NICODEMO TESSIHN,

Stralsundensi Pomerano.


Ad diem 16. Novemb. S. N.

In Auditorio Philosophico.

Horis ab 8. matutinis.



DANTISCI, Typis GEORGI RHETI,  
Anno M. DC. XXXIX.



## Gymnasij Logici repetiti

## DIATRIBE VII.

## De Propositionis definitione &amp; partibus.

I.  
**V***T frustranea est omnis potentia, quæ nunquam ad actum traducitur, dicente Philosopho lib. 1. d. coel. c. 4. t. 32. & ex eo venerabili Bedâ p. 99. axiom: Sic frustranea terminorū ad prædicationem habitum discussa potentia, nisi ad actum conjungendi ea tandem applicetur. Quod ab actu mentis nostra componente & dividente fieri solet, cujus opus Enunciatio dicitur, & parti Logices secunda pro Objecto substerni potest. Hac, quia actus componens errare quandoq; potest, & vel sejungenda componere, vel componenda sejungere, præceptis suis illum dirigere debet, ut veros conceptus conjungat, falsos disjungat: semperq; ad veritatem procedat, nunquam ab eâ recedat.*

2. Propositionis tractatio vel præcognitionis est, vel cognitionis. Illa triplex: *An propositio adequatum l. de interp. objectum? Quodnam ejus fundamentum? Quis author l. de interpretatione?*

3. Quæ primum, *Variant sententia.* Quidam interpretationem adæquatum objectum statuunt. Tolet. præf. l. Interp. Faber in l. d. Int. c. 1. q. 2. Boëth. Albertus M, ap. Conimbr. præf. l. d. Int. *Alii secundam mentis operationem.* Morisân. præf. l. d. Int. *Alii Enunciationem.* Thomas, Scotus, Albertus, Ammonius, Conimbric. c. 1. Barthol. præf. l. 2. Log. Titelman. præf. l. 3. Log. Mendoz. d. 8. Log. §. 1. Ramistæ dispositionem s. judicium

R

axio.

axiomaticum vocant. Et quidam *solam Enunciationem simplicem*, Boethius & Conimbric. c. 1. *Quib. rectè reclam*at Toletus c. 1. *Breviter hic dicendum*; 1. Objectum adequatum l. d. Int. est Enuntiatio univèrse sumpta, cum partib. & fundamentis suis proximis, hoc est, opus secundæ mentis operationis, quod vocatur Enuntiatio. *Patet 1. Omnia, quæ hic tractantur, tractantur ad enuntiationem constituendam. E. ea adequatum objectum. 2. Debet hic liber esse medius inter primum & tertium, Vt benè Conimbr. c. 1. At tale quid est Enunciatio univèrse sumpta. Hæc enim non est terminus, de quo pars prima, nec discursus, de quo tertia. Ergo. 3. Arist. c. 5, tractat de propositione composita, etsi paucis. E. & ea ad hunc librum pertinet, nec debet segregari. Et habet suum usum in syllogismus compositis extruendis, etsi nil de iis specialiter habeat Arist. quod idè est, quia ex simplicibus facile patenti, nec faciunt diversas omninò species à Categoriçorù figuris. Conf. Cl. L. M. C. 8. d. 10 q. 1. C. 9. d. 1. q. 1. Objectum primarium fortè est Enuntiatio simplex. Adequatum Enunt. univèrse sumpta.*

4. *Dic. II. Partes & fundamenta prop. proxima sub Enuntiatione ut toto debent comprehendi. Ita benè Zabara. l. 2. d. N. L. c. 5. Goclen. l. 3. probl. q. 2. Regi. l. 2. q. 1. § 2. Nam ubi totum tractatur, ibi & partes tractari debent. Rectè ergo sub objecto totali & partes ejus comprehenduntur, quales in Enuntiatione sunt nomen & verbum, subj. & prædicatum, de quib. rectè in principio libri agit Aristoteles. Ordinantur n. proximè ut partes ad Enuntiationem construendam, nec tantum per accidens & ob meliorem cognitionem hic tractantur, ut placet Titelm: c. 1. Dices: Inscriptio est de Interpretatione. E. hæc adequatum objectum. R. N. C.*



*Non semper inscriptiones sunt ab adequato objecto, sed & à fine, & alio quocumq, quod ad objectum ducit. Tale quid est interpretatio. Et sic vel à parte & sine objecti est inscriptio, ut putat Alexander: vel interpretatio notat ipsam Enunciationem, quæ interdum sic vocatur, V. Scharf. l. 2. Log. c. 1. Hunnaum l. 3. Log. p. 137. Titelm. præf. l. 3. Log. ut putat Ammonius: vel Arist. ad suum tractandi scopum respexit, qui est, sensa animi per enunt: interpretari. V. Tolet, c. 1. vel ad sui seculi mores respexit, ubi potissimus Enuntiationum scopus interpretari conceptus, ut placet Keck. nostro, l. 2. Log. s. 1. c. 1. vel generali usus est vocabulo, et si ad speciale ut objectum intenderet, ut, si tractaturus de homine inscriberes de animali, ut censet Boëthius ap. Tolet. c. 1.*

5. *Dicend: III. Objectum libri hujus ex tractatione Aristoteleâ est enuntiatio vocalis & scripta: Ex rei veritate etiam mentalis esse debet. Prius patet, quia principia vocalis prop. hic traduntur, voces, nomen, Verbum, oratio, & c. 5. definitur Oratio vocalis, & c. ut benè aduersunt Morifan. l. d. Int. c. 1. Faber c. 1. c. 1. q. 1. & c. 5. p. 257. Posterius, quia enuntiatio mentalis non minùs est Enuntiatio, quàm vocalis & scripta. Nam definitio Enunt. ei competit. Imò primariò hæc est talis: Secundariò & signanter vocalis & scripta, propter scil. mentalem, quam representat, ut benè Cl. Weger. in l. d. Int. q. 10. n. 4. Sic angelis competunt Enuntiationes, etsi vocales a. scripta non. Cur a. in tractatione suâ Aristot. ad vocalem & scriptam potissimùm enunt. respexerit, ejus varia redduntur cause ab Interpretib. Vt quòd notior vocalis mentali: per eam hæc explicanda: sine illâ explicatio difficilis sit: mos seculi Aristotelei, ubi ad vocales enunt. respiciebatur, & c. V. Keck. nostrum c. 1. Quamquam*

vox λόγος, quā Enunt. definit Arist. & rationem & orationem significet, eōq; ad utrumq; referri possit, ut d. 6. t. 10. monitum. Etiam vox Latina, Oratio, ad orationem internam à Philosophis extenditur, etsi Philologus fortè ea usurpatio non solita, quorsum pertinent, quaregeris Zanakius con. Cl. I. M. l. 2. f. 1. c. 1. q. 2.

6. Hec de primo. Secundum est, quodnam fundamentum propositionis? Hac vel proximum est, Oratio, ut communiter ab interpretib. redditur: vel, compositio mentis, quæ & genus & fundamentum esse potest, ut sunt ea, quæ naturâ priora sunt, fundamenta posteriorum, quib. suum esse communicant. Sic genera specierum: vel remotum, ut interpretatio, signa, voces, nomina, verba interpretantia, conceptus representantes, &c.

7. Interpretatio multa notat. V. Scharf. l. 2. Log. c. 1. Hic est conceptus mentis per signum aliquod Logica explicatio. Dicitur 1. Explicatio. i. e. evolutio, expressio, explanatio, deductio sensuum animi per certa signa. 2. Logica. Non hic intelligitur explicatio qualiscunq;, ut Grammatica vocum deductio, aut realis rerum interpretatio, quæ realibus disciplinis est propria: sed Logica, quæ aliquid Logicè & per principia Logica, Logico modo & sine exprimitur, ut per nomen & verbum Log. quæ à Grammaticis multum differre th. 25. patebit: nempe per aliquid, quod subiecti, & aliquid, quod predicati locum habeat.

8. Dic: 3. Conceptus mentis. Immediatè interpretatio est conceptuum mentis, mediatè & ultimè rerum conceptuum representatarum. Hinc voces primò sensa animi notant: Secundò res, quarum speciem sensa animi s. conceptus gerunt, ut benè Philosophus de Int. c. 1. Loquimur primò, ut sensus noster

noster constet: ultimò, ut res ipsa, quam volumus. Et malè  
 voces significare solas res cum Scoto, Gabriele, Mendozâ, asse-  
 ritur, vel solos conceptus cum Boëthio. Virumq; enim signifi-  
 cant. V. Dn. Weger. l. d. Int. q. 5. 6. 4. Per signum aliquod.  
 Signum hoc vel vox humana esse potest, ubi interpretatio vo-  
 calis intelligitur: Vbi distinguenda est vox à sono, qui in rebus  
 inanimatis est, v. g. fistulis, tibiis, lituis, fidibus, fragore tor-  
 mentorum, bombardarum, &c. Humana vox dicitur, ut re-  
 quirat. 1. Articulationē, ut vox articulatè certis syllabis scri-  
 bi possit. Excluduntur ergò voces inarticulate, siue hominum,  
 ut gemitus, suspiria, clamores puerorum, morionum, a. ebrio-  
 forum: siue beluarum, ut mavirus, grunnius, latratus, avi-  
 um cantus, &c. quæ nil interpretabuntur, V. Titelm. l. 3.  
 Log. c. 1. 2. Significationem, ut voces significant conce-  
 ptus eorum, qui eas proferunt. Vnde vox desinitur sonus si-  
 gnificativus rei & conceptus ad placitum. Vt excludantur  
 garritus quarundam avium articulati, ut Psittaccorum, picar-  
 rum, corvorum, qui non norunt significata istarum vocum,  
 quas proferunt: Item voces humanae articulatae quidem, sed  
 significatione carentes, ut bumam, rahaba, &c. Pulchrè Au-  
 gustinus tr. 45. in Ioh. c. 10. Vniq; nihil aliud sunt ver-  
 ba, quàm signa: significando enim verba sunt. Tolle signifi-  
 cationem verbo, strepitus inanis est, 3. Determinationem,  
 ut & determinatè significant citra ambiguitatem. Nam am-  
 biguorum, quamdiu talia sunt, nulla est Logica interpretatio,  
 nulla enuntiatio. 4. Moralem institutionem, ut signifi-  
 catio vocum non sit ex vocum naturâ, sed morali hominum in-  
 stituto & placito, ut requirit Philosophus d. Inter. c. 2. Vbi  
 nota: Voces sunt significabiles naturâ, i. e. ex sui naturâ  
 apte sunt ad significandum, & ita eò ab hominib. applicata:

ed non significantes naturā, i. e. quodlibet significatum cuiusvis vocis non est ex naturā vocis, sed libero hominum Instituto. V. Becan. p. 2. Th. Sch. T. 2. c. 9. q. 5. Sonus vocis est a naturā: Determinatio ad hoc vel illud notandum, a liberā hominum complacentiā. V. pluribus Alsted. I. I. Log. harm. c. 3. Cl. I. Mart. C. 2. d. 9. q. 1. Timpl. l. 3. Met. c. 4. q. 12. Regium l. 2. Log. q. 1. §. 4. Fabr. I. d. Int. c. 3. q. 1. Goclen. p. 3. probl. q. 6. Combric. in l. d. Int. c. 1. q. 4. 2. a. Toler. c. 1. c. 1. q. 1. Morisan. d. 10. Log. q. 1. Muret. l. 13. V. L. c. 4. Valles. de fac. Phil. c. 3. aliosq.

9. Vel signum hoc qualiscunq; species intellecta alij impressa esse potest, ut quā conceptus representetur, ut cum angelus angelo interpretatur: vel species expressa alicujus rei cognita, ut cum tacite quis secum meditando interpretatur, quod verbum mentale & intelligibile dici solet, & in specie ab intellectu expressā formaliter intellectiōnem tanquā termino al. quā consequēte ratione q; ab eā diversā consistit, quā res representatur & manifestatur, & formalis similitudo rei cognita importatur. Quomodo Patres & Philosophi vocem verbi & ad verbum internum extendunt, quod in intelligibile s. mentale, quod modò definitum, & imaginabile dividunt, quod actus imaginationis sit, quo sonum proferendum, quod verbum intelligibile interpretari debeat, imaginemur. Quomodo & scriptura dicere & loqui interdum interno de cogitatu sumit, V. Psal. 14. v. 1. Psal. 53. v. 2. Eccles. 1. v. 16. Matt. 9. v. 21. Tandemq; verbum externum s. sensile adijciunt, quod exterius positum significet id, quod ab intellectu concipitur. V. Damascen. l. 1. d. ort. fid. c. 17. 18. Anselmum in monolog. c. 9. Communiter hic signa pro signis interpretationis externis sumuntur,

10. Interpretatio est vel simplex, vel composita. Et utramq; Aristotelem voce interpretationis intellexisse censeo, ut bene Barthol. l. 2. p. com. c. 1. Faber. c. l. q. 2. Zabarel. l. 2. d. L. N. c. 5. Godlen. p. 3. pro. q. 2. Et hoc est, quod th. 4. dictum, enuntiationem hic intelligi etiam cum partibus suis. Simplex est, qua uno signo constat, & fit per nomen & verbum nondum conjuncta. Vt, Homo, currens, animal rugiens, grande, &c. Quid utrumq; sit, dicetur th. 23. Composita est oratio duo signa complectens. Vt, Homo currit. Estq; vel imperfecta, cum sensus non absolvitur, ut, si cognovisses et tu? Luc. 19. v. 42. Quos ego? Virgil. Vel perfecta, cum sensus absolvitur. Vt, didicisse fideliter artes Emollis mores. Hæc vel non enuntiativa est, vel enuntiativa. Non enuntiativa, qua affirmationem & negationem Logicè & directè non exhibet. Hæc vel affectiva, i. e. qua affectum aliquem aut ornatum Oratorium redolet, & Oratoribus, Rhetoribus, Poetis, Grammaticis est usitata, non Logicis. Vid. Arist. de Int. c. 4. Tales orationes sunt imperativæ, prohibitivæ, exhortativæ, promissivæ, comminativæ, Optativæ, Petitivæ, deprecativæ, Interrogativæ, Imprecativæ, Subintellectivæ, Exornativæ, Infinitivæ, admirativæ, & ejus generis similes: vel Implicativa, ut ambigua de industria, qua prorsus non Logica, nisi ubi ad unum sensum reducta fuerint. Hæc omnes resolutæ debent in planam affirmationem & negationem, ut fiant Logica: Primò & ut tales, Logica nondum sunt: sed resoluta fieri possunt. Enuntiativa est, qua directè & planè circa ambiguitatem aliquid affirmat aut negat, ut verum à falso distinguatur. Et de illâ hic tractandum.

11. Fuit secundum prædignitum. Tertium est, quis Author hujus lib. d. int? Vulgò statuunt Aristotelem. Et rectè. 1. Stylus consentiens ceteris libris id arguit. 2. Allegatio librorum de animâ, c. 1, & c. 12. librorum Analyticorum, Qui sine dubio Aristotelis sunt. Negavit olim Andronicus quidam Rhodius ap. Conimbr: præf. l. d. int. Hodie Patricius, Piccartus, alijq; Sed absq; ritâ ratione. Nil n. refert, Aristotelem conceptus hic vocare passiones, quod non in lib. de animâ. Omnino n. & ibi ita vocat, l. 1. de an. c. 1. t. 3. 13. & passim intelligere vocat pati, Vt 3. d. an. t. 2. 3. 12. 13. 14. 15. 18. 20. 39. & alibi. Intellectio ergò & conceptus juve passiones dici possunt. Conf. Zabarel. l. d. spec. int. c. 5.

12. Fuit præcognitionis doctrina. Cognitionis est absoluta & respectiva. Absoluta, quâ natura propositionis in se spectatur. Estq; nominalis & realis. Nominalis triplex: Homonymica, Etymologica, & Synonymica. De his Scheiblerum d. prop. c. 1. n. 14. & alios vide. Interdum axioma, Enuntiatio, sententia, prædicatio, & c. dicitur. Interdum hæ voces ratione distinguuntur, Reipsâ conveniunt.

13. Fuit nominalis doctrina: Realis quadruplex, definitiva, divisiva, affectiva, & partitiva.

14. Definitio hac sit: Propositio est dispositio Terminorum affirmans aliquid aut negans determinatè, ut verum falsumq; inde haberi possit.

15. Dicitur 1. Dispositio, id est, Compositio, complexio, conjunctio, ordinatio, quâ duo termini actu conjunguntur, siue consentiendo siue disjungendo. Nam Conjunctio hic ad utrumq; extendi debet. Pars prima Logices de terminis conjungendis tractavit, ut præced. disput. visum: Pars secunda

tunda de terminis per copulam conjunctis, id est, ipsa Terminorum actuali conjunctione tractet. Alij definiunt per sententiam. Vt Keck. noster l. 2. Log. s. 1. c. 1. Goden. p. 3. prob. q. 3. Sed vel sententia sumitur strictè & famoso significato, & sic sententia est propositio cum judicio conclusa, sic strictius quid est propositio: Nam sola propositiones verae sunt cum judicio conclusa, falsa cum aegrosia & errore judicij: Vel latè, prout qualemcumq; enuntiationem notat, quod regerit Zanakius, & exemplis ex Melancthone & Cicerone confirmat con: Cl. l. M. l. 2. s. 1. q. 2. quae ex Godlenio c. 1. q. 8. desumpsit. At sic equipollet voci propositionis, unde th. 12. in synonymis propositionis adducitur, & ab ipso Keckerm. l. 2. Gym. Log. c. 1. Can. 4. inter synon. ejus recensetur: non latior est eà, qualis esse debet, si genus propositionis esse debeat. Et hoc ergò non juvabit Zanakium. De alio ergò Termine cogitandum, qui sit latior propositione, latitudine eà, quae Logicis notionibus pluribus competat. Hic est Dispositio seu conceptus complexus. Dispositio competit & propositioni & syllogismo, sed diversis differentiis implicata. Adeoq; verè genus propositionis esse potest. Dispositio verò potest esse vel in mente, vel in voce, vel in scripto, & sic omni propositionis formae, mentali, vocali, scriptae, aptari potest. Dues: Etiam sententia est latior propositione, nam competit etiam sententiis nondum enunciantibus. V. th. 10. Ergò. Resp. Sententiae non enunciantes non sunt Logicae, sed resolvendae primum sunt, ut fiant Logicae, t. 10. Eoq; Illa communitas hic non sufficit. Communitas generis in propositione debet Logicis notionibus pluribus esse communis: Hoc non est in sententiâ hoc modo sumptâ; benè in dispositione,

quæ etiam Syllogismo, qui Logica notio est, competit. Ut non diffusetur Goclen. c. 1.

16. Alijs genus orationem faciunt. Ita Peripatetici pleriq;. Hoc concedi potest, sic orationem genericè sumas, & pro externâ & internâ, quod fieri à Philosophis solere testatur Goclen. c. 1. & supra dictum t. 6. 9. Nec video, cur negetur à Zanakio c. 1. Et si enim Philologis fortè ea significatio parùm usurpata, satis, si Philosophis in usu. Hi enim orationem mentalem etiam vocant orationem, ut verbum mentale etiam verbum. Et vox λόγος ab Aristot. usurpata d. inter c. 4. 5. id fert. V. d. 6. t. 10. Alij instrumentũ noëti cū. Alsted. l. 6. Log. harm. c. 1. Timpler. l. 3. Log. c. 1. q. 2. Sed melio & clariùs dicitur dispositio Terminorũ, quàm obscuris & potioribus Philosophis non usitatis terminis ingenia discentium fodicantur. Instrumentum remotius genus est, omnib. noëmatibus Logicis competens: Et instrumenta noëtica etiam Termini partii primæ sunt, V. Timpl. 1. Log. c. 3. §. 3. 4. Qui tamen non propositiones. Hic propius genus quaritur, notionib. complexis partii secundæ competens. Hoc dispositio.

17. Dicitur 2. Terminorum. Termini sunt materia propositionis, ex quâ extrui ea & in quam resolvi debet. Et prioribus disputationibus sunt elaborati. V. d. 2. t. 18. Ramistæ vocant argumenta, item themata. Sed admodum alienè, Vt d. 2. t. 13. monitum. Porro Termini sunt in propositione vel immediatè, ut in simplicibus, vel mediatè, ut in compositis. Hec enim, quia simplices in se habet, etiam terminos mediantibus illis simplicibus propositionibus in se habet. Dicitur 3. Affirmans aliquid aut negans, id est, Quo indicatur aliquid esse aut non esse. Affirmare & negare in propositione.



positionis naturâ ita inclusum est, ut cogitari ea non possit, quin affirmatio cogitetur aut negatio. *Affirmatio est compositio enuntiativa termini cum Termino: Negatio est divisio Termini à Termino.* Aristoteles dupliciter definit propositionem: semel per verum aut falsum, d. int. c. 4. Alibi per affirmationem & negationem. I. prior: c. 1. Et communiter Interpretes hanc præponunt illi. V. Schei. c. I. d. pro. n. 8. *Affirmatio enim & negatio interior & magis necessaria est propositioni, quàm veritas a. falsitas, quæ magis materialis est, & ad affirmationem & negationem sequitur: Etsi postea dividatur etiam propositio in affirmativam & negativam, quod in definitionibus qualibuscunq; qualis hæc, ut notionis secunda est, tolerari potest. Conf. Goclen. p. 3. probl. q. 17. Mendozam d. 4. summ. s. I. §. I. & d. 8. Log. §. 17.*

18. *Dicitur 4. Determinatè. Hac vox requirit non determinationem objectivam, nam infinita non habent objectum determinatum, sed infinitè extendi possunt, ut, non homo est non animal: Sed. I. Discretam & divisam affirmationem & negationem, quæ fiat per copulam, cujus vi unus terminus tribuatur alteri, aut distinctè removeatur ab altero. Ut distinguatur à connexionione Terminorum complexâ, quæ objectiva est, & citra copulam fit. Ut, homo albus, animal rationale. Vid. d. 2. r. 30. Hic discretè & separatim dicendum, Homo est albus, Animal est rationale. Vid. Arist. d. inter. c. 5. 2. Distinctam & ambiguitate carentem affirmationem & negationem. Nam si de industriâ ambigua sit propositio, & in duplicem sensum torqueri possit, non est de ea Logitocura. Sic, Exiguum leporem vidi jugulasse molossos, ambiguum est, An quòd molossi jugularint leporem, an lepus molossos, affirmetur. Hæc & similia, quam-*

dia ambigua manent, respuuntur à Logico, quia non faciunt ad finem Logices, veritatem eruendam. 3. Explicatam & apertam affirmationem & negationem. *Vi si lateat ea abstrusa Ornamentis Oratoriis, affectibus, additionibus, involuionibus, demantur ea omnia, & in simplicem & apertam Enuntiationem Logicam resolvantur, constantem casu recto, & modo verbi indicandi, & tempore, quantum fieri potest, presenti.* Hic enim valet illud Logicorum: *Propositio de præterito & futuro vera est ob propositionem de presenti.* Et ita resolvenda sunt Orationes ista Oratoria, Grammatica, Poëtice. Itemq; identica, intensiva, explicativa, & c. de quibus t. 10. dictum.

19. Fuit Definitio Propositionis. Sequitur Divisio. Divisiones propositionis in affirmativam & negativam, veram & falsam, & c. dis 8. proponuntur. Hic strictim tradende sunt quaedam, quæ generalius naturam propositionis concernunt, & qualiter de eâ in Log tractetur, imprimis declarant. Hæ sequentes esse possunt. I. *Propositio alia est mentalis, alia vocalis, alia scripta. Mentalis, quæ in mente representata manet. Vocalis, quæ externâ voce profertur. Scripta, quæ literis exhibetur. Quæ in Log. de prop. traduntur, omni formæ propositionis convenire debent. Imprimis tamen mentali. De nomine & verbo est difficultas, quæ mentali propositioni conveniant. De hoc th. 23. 24. dicetur.*

20. II. *Propositio est vel implicita vel explicita. Implicita, quæ adhuc involucri quibusdam prædita, & eruenda est, ut fiat Logica. Dicitur etiam Potentialis, Tales sunt obscura illæ, quæ sunt propositiones analyticæ, id est, resolutivæ. V. th. 10. Explicita est, quæ apertâ formâ Logicâ rejectis*

refectis involucris proponitur. Dicitur etiam actualis. De hac hic docetur, non de illâ, nisi secundariò; Ostendendo, quomodo ad veram Log. propositionem sit revocanda. III. Propositio alia est materialis s. in actu exercito, alia formalis s. in actu signato. Materialis est, quæ est astricta certæ materia. Vt Theologica, Philosophica, Physica, Mathematica, & c. Formalis est, quæ generaliter attendit naturam propositionis, non determinando ad hanc vel illam materiam in specie. Et sic hic tractetur propositio. Sic etiam vera, falsa, propositiones, quæ aliàs materiales dicuntur, formales sunt, quia non in se ad materiam specialem, v.g. Theologicam, Medicam, descendunt, nisi interdum per accidens & illustrationis gratiâ. Formalem tractat Logica: ad materiales specialissimas non descendit. IV. Propositio est vel notionalis vel realis. Notionalis est, quæ de notionibus secundis enuntiat. Vt, genus est predicabile. Realis, quæ primas, ut Homo est animal. Hæc tractatio abstrahit ab utraq.

21. Fuit Divisio: sequitur Affectio. Affectiones propositionis vel sunt primariæ, ut oppositio, Conversio, & c. de quibus dis. 9. vel secundariæ, quæ hic tractantur. Et sunt variæ. I. Terminorum in eâ suppositio. Termini significant extra propositiones: supponunt tantum intra propositionem. Suppositio est vocis pro suo significato usurpatio. Hæc variæ est, & in propositione cautè observanda. Dicitur alia materialis, cum vox sumitur pro se ipsâ, ut homo est bisyllabum. alia formalis, cum pro suo significato. Vt homo est animal. Alia communis, alia discreta: Alia naturalis, alia accidentalis: Alia simplex, alia personalis: Alia confusa, alia determinata, & c. de quib. vid. Guckii syn. l. 1. c. 4. p. 280. & ex: 6. Log. diu: Scharf. l. 2. c. 2. Men-

doz. dif. 2. sum. f. 2. 3. Scheibl. d. pro: c. 7. n. 58. Alsted. 1. 6. Log. harm. c. 12. Morisan. tra. d. aff. vocum, c. 2. 3. seq. *Vestigia etiam hujus doctrina ap. Aristot. I. prior. c. 36. reperies. Suppositio ergo Terminorum accuratè est in propositionibus observanda. Nam neglecta ea pariet 4. terminos variâq. vitia in Syllogismo. Vt, Animal est corpus vivum. Quedam notio Logica est animal. E. Sic: Ens quatenus est ens, est subjectum primæ Philosophiæ. E. omne ens. E. & homo, bos, leo, & Homo est species, E. & Petrus, Paulus. Ex suppositione simplici pessimè infertur personalis, Vt in hac doctrinâ docetur. 2. Terminorû ampliatio, Cû termini amplè sumuntur. Vt, Homo est animal. Homo notat hominem & actû existentem & potentialem. 3. Term: appellatio, cum Termini sumuntur pro re existente. Vt, Homo est Imperator Romanus, tò homo notat hominem existentem. Vid. Guk: & Scheib. c. 1. 4. Propositionis expositio, qua Terminorum evolutione fit, & occultatio, qua per crypsin fit. Item alienatio, diminutio, & c. vid. Alsted. c. 1. c. 13. & 1. 10. L. H. c. 36. Mendozam c. 1. f. 7.*

22. Fuit affectio. Sequitur partitio, quâ in partes suas propos. dividitur. Partes propositionis sunt vel materiales vel formales. *Materiales, qua materiam ejus faciunt, eaq. vel signantes, vel signata. Signantes, qua sunt signa Logica signatarum. Suntq. nomen & verbum. Nomen est signum Logicum subjecti ex terminis faciendi, tempus non consignificans. Verbum est signum Logicum prædicati ex term. faciendi, tempus consignificans. Ita colligitur ex Aristot. d. Int. c. 2. 3.*

23. Dicuntur 1. Signa s. notæ, id est, indicia intellectui nostro notantia, aliquem terminorum debere poni loco subjecti

*subjecti, aliquem predicati. Sic inter homo & animal, intellectus iudicat hominem esse nomen, animal esse verbum, ita de verbo Arist. c. 1. dicit, esse notamentorum, quae predicantur. Ergo eadem analogiâ nomen est nota eorum, quae Logicè subjiciuntur. Et per hoc officium ingens est discrimen nominis & verbi Grammatici & Logici, ut insulse hac doctrina Grammatica Rameis dicatur. Nec nomen & verbum sunt Termini partis primæ, ut Crellius, Regius, Petrella, Faber, Bartholinus, Smiglecius, alijq; volunt: nec ipsum præcisè subjectum & prædicatum, ut Titelmanus, Bersman. Faber, Bartholinus, Casus, Crellius, Scharfius, Goclenius, alijq; Nisi materialiter, concretè, exotericè & populariter: Sed signa Logica eorum ex terminis faciendorum. Per hoc etiam nomen & verbum Logicum & ad propositionem vocalem accommodari debent, cujus sunt principia, & quidem ex tractatione Aristotelis ad hanc tantum, Agit enim de nomine & verbo Aristoteles, tanquam de vocibus, l. d. int. c. 2. Et, si Logicè magis, quàm Grammaticè hos terminos sumas, ut hic fieri debet, & usus permittit, V. t. 9. etiam ad propositionem mentalem, & sic nomen Logicum se habebit, ut signum conceptus simplicis, (qui non integra propositio, ut in compositis,) qui debet esse in loco subjecti: Verbum Logicum ut signum conceptus simplicis, qui debet esse loco prædicati inter duos terminos Logico ad ordinandam propositionem propositas. Sic ad te, in te, apud te, cogitando, habebis nomen & verbum Logicum in conceptu, ut exteriori proloquio sensa conceptuum non extuleris. Debet n. Logicus suos terminos, quantum fieri potest, ita definire, ut ad mentalem operationem maximè habeatur respectus. Mentalis enim disciplina Logica est, non præcisè*

*præcisè vocalis aut oralis* Confer. Scaligerum ex: 3074

8. 23.

24. *Hoc est, quod in definitione dicitur* 2. Esse notas Logicas, id est notare aliquid intellectui, sive voce id fiat, sive conceptu. Nota dicuntur & ratione significationis, quæ in omni Termino Logico est, V. d. 2. t. 18. Et specialiter in termino operationis secunda: & hic quidem non tam materialis, quàm formalis, quæ aliud quid præter seipsum significat. Hac magis Logica, argumentationi & veritati magis accommodata: Illa magis Grammatica, & in argumentando à Logico vix admittetur aut curabitur, ut alibi forè pluribus: & ratione signationis, quæ intellectui esse subjectivum & predicativum inter terminos signare debent. Per hoc differunt à Terminis partis prima, qui respectum illum proximum ad subject. a. predicatum non involuebant.

25. *Dicitur* 3. Nomen nullum Tempus consignificare, verbum tempus consignificare. De hac definitionis particulâ multa adversus Aristotelem moventur difficultates, quas passim enarrant Conimbricenses in l. d. Int. c. 4. q. 2. a. 4. Toletus in l. 1. d. int. c. 3. q. 1. Ruvius in l. 1. d. in c. 1. q. un. Morifanus D. Log. 10. q. 4. Casus l. 1. Log. c. 6. Cl. Weger in l. d. int. q. 8. aliq.


26. *is facile obvenit, si distinctè observâris quatuor.* Aliud est, tempus significare, quod & nominibus competit, ut annus, hora, mensis: & verbis, ut nocte scit, die scit, vespere scit, &c. 2. Tempus qualiter unq; connotare, id est, existentiam in abstracto vel in præsentî tempore, vel præterito, vel futuro significare, non concreto, id est, ipsum fluxum per differentiam temporis aut ei equipollentis mensuratum denotare. Hoc etiam nomina possunt, Sic cæna, prandium,


diū, verberatio, notant actiones in presenti quasi existentes, sed abstractè citra fluxum exercendæ actionem in tempore. Maiores, Posterî, coætanei, connotant tempus, i. e. existentiam in tempore, sed citra fluxum existendi in tempore. Idem est in participiis, quæ actionem in tempore notant, sed citra determinatam temporis differentiam per fluxum. Sic ambulans, verberatus, amatus, &c. Et hinc participia cum omnibus differentiis temporum conjungi possunt, ut, homo est, erit, fuit, ambulans: Quod impossibile esset, si in se fluxum determinata temporis differentia consignificarent. 3. Tempus accidentale implicare, id est, differentiam aliquam temporis involvere, quæ non tempori, ut tempus est, competit, sed ut hoc aut illo loco numeratur. Hoc etiam nominibus competit. Vt matutinus, vespertinus, nocturnus, diurnus. Vbi hic vesper est, alibi manè esse potest. 4. Tempus essentialè aut illi æquipollens Logicè consignificare, id est, notare aliquid per modum actionis aut passionis, cum connotatione fluxus differentia temporis essentialis, id est, præteriti, presentis aut futuri aut alicujus ei æquipollentis, ut in duratione Angelica & divinâ, Quam tempus Logicum & Metaphysicum vocare solent. Hoc solis verbis competit. Sic me cœnare, prandere, notat actionem cū fluxu presentis connotatam: Cœnasse actionem cum fluxu præteriti. Idem est in verbis illis, cesso, quiesco, fio, existo, morior, ubi aliquid per modum actus aut passionis significatur: & verbis divinis, ut creo, genero, prædestino, justifico, ubi tempus Metaphysicum, i. e., duratio æterna cuilibet temporis Physici differentia coëxistens connotatur. Sunt n. verba in divinis sumenda pro eâ potestate, quâ in divinis habere possunt. Vt è verbo divinis attributo non statim tempus Physicum cum Photinianis & alijs, V. dec. I.


Misc. d. i. c. 35. colligendum, sed duratio qualiscunq; em nex  
 tempore. Vnde verba in divinis sæpè nomina fieri ajunt Autho-  
 res, i. e. significare sine tempore, sc. Physico. Vid. Cl. l. Mart. l.  
 2. Elo. c. 51. D. Höpfa. in l. d. int. c. 3. Cl. Weger. c. l. q. 8.  
 Valentiam T. l. d. i. q. 10 p. 1. Becan. par. I. Th. Sch. c. 8. §. 7.  
 Brochm. L. C. de Deo, c. 3. q. 4. In essentialib. propositio-  
 nibus verba vulgò à temporis differentiâ absolvi ajunt. Ra-  
 conis p. 2. Log. tr. i. s. 3. & alij. Sed hoc de veritatis ad vnum  
 tempus adstrictione, non essentiali temporis in verbo consigna-  
 tione accipiendum, q. hæc abeset. Hæc n. essentialis in verbo est.  
 Et licet abstrahat hic à tempore Physico, non tamen Metaphysico &  
 quavis duratione, sicq; quibus temporis d. fferentiam includit, nisi quando  
 formatur, sub unius determinatione formetur. Et homo est animal.


27. Fuerunt partes materiales signantes: Signata s. obje-  
 ctiva sunt, de quibus propositio verificatur. Et sunt subjectum &  
 prædicatum. Subjectum pars prop: Logicè antecedens, quæ & an-  
 tecedere debet, & Logicè de facto antecedit. Prædicatum Logicè con-  
 sequens & jure & facto. Proponunt aliàs authores varias notas subje-  
 & prædicatorum. Ut articulum Græcum, ordinem & stum verbo-  
 rum, ordinem rerum. Sed hæc non semper procedunt. Vid. Scharf.  
 l. 2. Log. c. 3. Scheibl. d. pro. c. 1 n. 24. Nec satis cautè dices  
 subjectum esse id, quod in rerum naturâ antecedit, prædicatum id,  
 quod in rerum naturâ consequitur. Nam hic non antecessio aut  
 consecutio naturalis semper observatur, sed notionalis & Lo-  
 gica, ut bene Cl. l. Mal. 2. disc. Ram. c. 2. q. 3. Sic si dicas, Albedo natura-  
 liter sequitur corpus, hic albedo notionaliter antecedit. Sic omne visibile est homo,  
 Om. album est corpus. Om. currens est animal, Om. motum est viuum. Hic acci-  
 dentia semper sunt subjecta, substantie predicata, quæ in naturali ordine semper  
 antecediunt suis accidentiis. Rectius ergo subj. pars Logicè antecedens dicitur.  
 Prædicatum pars Logicè consequens. Quæ Logica antecessio & consecutio ex di-  
 spositione & resolutione terminorum Logicæ, ex quibus constat propositio,  
 maximeq; ex sensu rerum enunciatarum est ajudicanda. Recte Mendoza d. i.  
 sum. p. 1. §. 2. subjectum est, quod subest prædicationi, qualiscunq; aliàs res sit.  
 De partibus formalibus d. 8. c. 2. seq; agitur. Hic ob chartæ angustiam finis  
 esse cogitur.











H. NICOLAI

OPERA.

TOMUS II.